



Votaziuns federalas dils 03-03-2024 mira pagina 3 da quest FUS

L'urna ei aviarta (en canzlia communal)
gievgia e venderdis mintgamai duront las uras da spurtegl
dumengia, ils 03-03-2024, dallas 10.00 – 11.00 uras

Sonda e dumengia, ils 2 e 3 da mars 2024 mintgamai avon il survetsch divin en las fracziuns.

Ils cedels da votar ein vegni distribui. Tgi ch'ei aunc buc en possess da tals ei supplicaus da s'annunziar tier l'administraziun communal.

Adatg!

Il certificat da legitimaziun ei adina da presentar. Tier votaziuns cun posta ei il certificat da legitimaziun da suttascriber. Senza suttascripziun ei la votaziun nunvaleivla. Nus supplichein da consultar las informaziuns che Vus anfleis sin la cuviarta e sil certificat pil dretg da votar.

Sumvitg, 01-03-2024

Biro electoral

Restituziun d'ina cumpart vid cuosts d'abonnements da sport ni contribuziuns ad uniuns sportivas

La radunonza communal dils 30-01-2024 ha approbau la lescha davart promoziun da sport e mess quella en vigur retroactiv cun igl 1. da schaner 2024. Sebasond sin questa lescha sa la vischnaunca separticipar vid ils cuosts per la cumpra d'abonnements da sport ni contribuziuns ad uniuns sportivas. La suprastonza communal ha fixau sebasond sin art. 5 dalla lescha davart promoziun da sport la contribuziun communal per igl onn 2024 sin frs. 300.-- per affon/giuvenil.

Sustegn finanziel vegn concediu per abonnements per saver far sport ni/e contribuziuns ad uniuns sportivas dil gener stagiunal ni annual. Ei vala il principi ch'ei setracta d'ina activitad sportiva che vegn exequida dil retschevider dil sustegn finanziel regularmein sur in onn ni ina stagiun ora. Il sustegn finanziel serestrenscha sin tut ils sports che vegnan susteni entras Giuventetgna e sport (G+S). Il sustegn finanziel serestrenscha sin abonnements tier furniturs da prestaziuns ni uniuns da sport cun sedia en ina dallas vischnauncas dalla Regiun Surselva.

Damondas per contribuziuns ein d'inoltrar entochen la fin digl onn calendaric all'administraziun communal duront las uras da spurtgel. Ei vala il datum dalla quittance ni dil quen digl abbonament resp. dalla contribuziun.

Per ulteriuras damondas stat l'administraziun communal bugen a Vossa disposiziun.

Sumvitg, 01-03-2024

Administraziun communal

Serrada via Val Sumvitg

Ord motivs da segirtad resta la via Val Sumvitg serrada naven d'immediat sil tschancun da Val anen per tut traffic.

Sumvitg, 01-03-2024

Departament traffic

Uniun da pescadurs Sumvitg

Invit a nossa 80. radunonza generala, venderdis, igl 1. da mars 2024 allas 20.00 en l'ustria dalla Staziun Cumpadials.

Tractandas:

1. Beinvegni ed appel
 2. Elecziun dumbravuschs
 3. Approbaziun gliesta da tractandas
 4. Prelecziun ed approbaziun dil protocol
 5. Rendaquen, rapport revisurs ed approbaziun dil quen
 6. Rapport annual dil president
 7. Rapport annual dil cau tegia lag da Laus
 8. Mutaziuns / commembers novs
 9. Elecziuns per ina perioda d'uffeci da dus onns:
– Actuar
 10. Programm da lavur e pesca communabla 2024
 11. Honoraziuns
 12. Varia
- Selegrein sin stedia participaziun *la suprastonza*

Meisa da miezdi a Cumpadials

Pro Senectute Surselva organisescha ensemen cun Nadja Scolieri ell'Ustria dalla Staziun a Cumpadials ina meisa da miezdi (gentar communabel) inagada per meins, mintgamai il venderdis. Igl intent dalla meisa da miezdi duei esser da promover la cumminonza ella vischnaunca da Sumvitg e contuorn denter las personas ella vegliadetgna dalla pensiun.

Liug: Ustria dalla Staziun, Cumpadials

Datum: **venderdis, ils 8 da mars 2024, 11.45**

Annunzias: Ein da far entochen mesjamna sera tier Ustria dalla Staziun, Cumpadials, tel: 081 943 19 22